

ABERTZALETASUNA



Ondo dakigu España'k Lege Zarrak kendu euskuzala eta gure erria ondatuta geratu zala.

Arrezkero erriak ez eban ikusten etorkizunik, apurka, apurka nortasuna galtzea baiño.

Baiña sasoi bakoitxean agertzen dira gizon egokiak eta euskaldunentzat be agertu zan olako gizon arrigarri bat.

Ikasi eban gure edestia eta ikusi be bai foruen bideak nondit nora geroiazan. Luis bere anaiagaz luzaro berba egin ondoren, Sabin Arana deritxon gizon arrigarri onek lortu eban esaldi egoki bat: "Euskaldunen Aberria Euzkadi da".

Lan ikaragarria egin eban espetxean eta kanpoan, Larrazabal'eko itzaldiagaz asita, burubide argi orreik zabaltzen: Aldizkariak, itzaldiak, ekintzak, alderdi politiku barri bat...

Eta erdi-ilda egoan abertzaletasunak bizitasun barria artu eban Sabin'en bizitzan eta askoz geiago bere ondoren etorri zan Jose Antonio Agirre'ren aldian. Ainbeste batzar, itzaldi eta zabalkunde egin ondoren, azkenean lortu zan, guda asi eta laster, geure Araudia, baiña Franco'k bere guda ikaragarriagaz dana zapuztu eban.

Diktadorea il zanean eta demokrazia sortzen asi, barriro agertu zan Araudiaren egarria eta lortu be bai.

Gaur Eusko-Jaurlaritza daukagu. Bere utsuneak dauz, esaterako Iparraldea ta Naparroa ez dirala or sartzen, baiña euskaldunak ekintzaille diardue euren elburuak lortzen. Elburu nagusia "Zazpiak bat" egin eta laterri bat osotzea litzake, askatasun osoa.

OLAZAR'tar Martin'ek.

BIZKAITARREI BIZKAIERAZ